

Na osnovu čl. 13.stav 1. tačka e. i 18. stav 1. tačka b. Ustava Kantona Sarajevo («Službene novine Kantona Sarajevo», br. 1/96, 2/96, 3/96, 16/97, 14/00 i 4/01), člana 24. Zakona o izvršenju sankcija u Kantonu Sarajevo («Službene novine Kantona Sarajevo», br. 14/00, 8/01, 10/02 i 28/03) i čl. 3. i 6. Zakona o ustanovama («Službeni list RBiH», br. 6/92, 8/93 i 13/94), Skupština Kantona Sarajevo, na sjednici od 2.9. 2004. godine, donijela je

O D L U K U

o osnivanju Kantonalne javne ustanove «Disciplinski centar za maloljetnike»

Član 1.

Kanton Sarajevo (u daljem tekstu: osnivač) osniva Kantonalnu javnu ustanovu «Disciplinski centar za maloljetnike» (u daljem tekstu: Disciplinski centar), radi izvršavanja odgojne mjere – disciplinske mjere upućivanja u disciplinski centar za maloljetnike, izrečene maloljetnom učiniocu krivičnog djela.

Član 2.

Naziv ustanove je: Kantonalna javna ustanova «Disciplinski centar za maloljetnike».
Skrraćeni naziv Kantonalne javne ustanove je: KJU Disciplinski centar.

Član 3.

Sjedište Disciplinskog centra je u Sarajevu – ul. Hamdije Ćemerlića broj 19.

Član 4.

Disciplinski centar ima svojstvo pravnog lica koje stiče upisom u sudski registar kod Kantonalnog suda u Sarajevu.

Član 5.

Djelatnost Disciplinskog centra je izvršavanje odgojne mjere – disciplinske mjere upućivanja u disciplinski centar za maloljetnike, izrečene maloljetnom učiniocu krivičnog djela, na način propisan zakonom kojim se reguliše izricanje i izvršenje ove disciplinske mjere, i to:

- na određeni broj sati tokom dana praznika, ali najviše četiri uzastopna dana praznika;
- na određeni broj sati tokom dana, ali najduže u trajanju od jednog mjeseca;
- na neprekidni boravak tokom određenog broja dana, ali ne duže od dvadeset dana.

Pored djelatnosti iz prethodnog stava, Disciplinski centar može, bez upisa u sudski registar, obavljati privredne djelatnosti i privredne aktivnosti koje su u funkciji obavljanja osnovne djelatnosti, a radi angažovanja maloljetnika, za vrijeme izvršavanja odgojne mjere, na korisnim radovima koji odgovaraju njegovim godinama života.

Član 6.

Djelatnost Disciplinskog centra iz prethodnog člana ove odluke razvrstava se u skladu sa Odlukom o standardnoj klasifikaciji djelatnosti u Federaciji Bosne i Hercegovine («Službene novine Federacije BiH», br. 28/98, 36/98 – Ispravka i 47/98 - Ispravka) i glasi:

- 85.3185. 310. Socijalna zaštita u ustanovama sa smještajem.
- 85.323 – Ostale djelatnosti socijalne zaštite – bez smještaja.

Član 7.

Za osnivanje i početak rada Disciplinskog centra osnivač obezbjeđuje iz Budžeta Kantona Sarajevo za 2004. godinu sredstva u ukupnoj novčanoj vrijednosti od 67.950,00 KM.

Član 8.

Sredstva za rad Disciplinskog centra obezbjeđuju se iz:

1. budžeta Kantona Sarajevo,
2. donacija,
3. drugih izvora, u skladu sa zakonom.

Član 9.

Za svoje obaveze Disciplinski centar odgovara svom svojom imovinom – potpuna odgovornost.

- Osnivač je supsidijarno odgovoran za obaveze Disciplinskog centra.

Član 10.

Organ upravljanja u Disciplinskom centru je Upravni odbor koji se sastoji od pet članova. Predsjednika i članove Upravnog odbora imenuje i razriješava Vlada Kantona Sarajevo. Isti se imenuje na period od četiri godine u skladu sa važećim zakonskim propisima. Direktor ustanove ne može biti član Upravnog odbora.

Član 11.

Vlada Kantona Sarajevo imenuje Upravni odbor u roku od 30 dana od dana stupanja na snagu ove odluke.

Član 12.

Upravni odbor je obavezan u roku od 30 dana od dana imenovanja donijeti Pravila ustanove, utvrditi akt o organizaciji i sistematizaciji radnih mjesta, donijeti druge opšte akte ustanove, te poduzeti druge radnje za početak rada ustanove.

Vlada Kantona Sarajevo daje saglasnost na Pravila Disciplinskog centra i akt o organizaciji i sistematizaciji radnih mjesta ustanove, planove rada i razvoja, te godišnji program rada i izvještaj o radu ustanove.

Član 13.

Organ rukovođenja u Disciplinskom centru je direktor.

Direktora imenuje Upravni odbor na osnovu javnog konkursa koji se provodi shodno odredbama Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj 12/03) i Zakona o ustanovama („Službeni list RBiH“, br.: 6/92, 8/93 i 13/94).

Uslovi za imenovanje direktora utvrđuju se Pravilima Disciplinskog centra, u skladu sa zakonom.

Član 14.

U periodu do imenovanja direktora, poslove predstavljanja i zastupanja Disciplinskog centra će obavljati vršilac dužnosti direktora, kojeg će imenovati Vlada Kantona Sarajevo.

Vršilac dužnosti direktora ima sva prava i dužnosti koje po zakonu ima direktor.

Vršilac dužnosti direktora može rukovoditi Disciplinskim centrom do imenovanja direktora, a najduže 60 dana, odnosno do okončanja procedure izbora direktora utvrđene ovom Odlukom.

Upravni odbor je dužan imenovati direktora u roku od 60 dana od dana imenovanja Upravnog odbora.

Član 15.

Organ kontrole poslovanja Disciplinskog centra je Nadzorni odbor koji se sastoji od tri člana.

Predsjednika i članove Nadzornog odbora imenuje i razrješava Vlada Kantona Sarajevo u skladu sa važećim zakonskim propisima.

Jedan član Nadzornog odbora imenuje se iz reda stručnih radnika zaposlenih u Disciplinskom centru.

Član 16.

Disciplinski centar može imati stručne timove u skladu sa Pravilima Disciplinskog centra.

Član 17.

Zaposlenici Disciplinskog centra ostvaruju prava u skladu sa zakonom, Pravilima Disciplinskog centra i kolektivnim ugovorom.

Član 18.

Nadzor nad zakonitošću rada Disciplinskog centra vrši Ministarstvo za rad, socijalnu politiku, raseljena lica i izbjeglice Kantona Sarajevo.

Član 19.

Disciplinski centar počinje sa obavljanjem djelatnosti iz člana 5. ove odluke kad Ministarstvo za rad, socijalnu politiku, raseljena lica i izbjeglice Kantona Sarajevo rješenjem utvrdi da su ispunjeni zakonski uslovi za početak rada.

Član 20.

Ova odluka stupa na snagu danom donošenja, a objaviće se u «Službenim novinama Kantona Sarajevo».

Broj:01-05-20478/04
2.9.2004. godine
S A R A J E V O



PREDSJADAVAJUĆA
SKUPŠTINE KANTONA SARAJEVO

Melika Alić, prof.